



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-071-6/22**
Datum: **22.04.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „ČAVKUNOVIĆ - BP“ d.o.o. Bihać, za izdavanje vodne dozvole za ispuštanje onečišćenih oborinskih voda sa prostora pretakališnih i internih saobraćajnih površina te tehnoloških otpadnih voda sa lokacije objekta benzinske stanice sa samouslužnom autopraonicom i pratećim sadržajima, izgrađenog u ulici Armije BiH, u Bihaću, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „ČAVKUNOVIĆ - BP“ d.o.o. Bihać, za ispuštanje onečišćenih oborinskih voda sa pretakališnih i internih saobraćajnih površina te tehnoloških otpadnih voda sa lokacije objekta benzinske stanice sa samouslužnom autopraonicom i pratećim sadržajima, izgrađenog u ulici Armije BiH, na zemljištu označenom kao k.č. broj: 6526/1 i 6527, K.O. Bihać grad, Grad Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske stanice sa pratećim sadržajima (za koje je izdato odobrenje za građenje i izvršen tehnički prijem objekta u postupku izdavanja odobrenja za upotrebu), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojave o procurenju međuplašnog prostora, kapaciteta 2x50 m³, AdBlue 3 m³ te UNP 10 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvede do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – javni gradski kanalizacioni sistem.
 - 3.6. Da korisnik predmetnog objekta, u roku od 6 (šest) mjeseci, od dana izdavanja ovog rješenja, u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19 i 41/20) pribavi odobrenje operatora javnog gradskog kanalizacionog sistema za ispuštanje oborinskih onečišćenih voda sa prostora internih saobraćajnih i pretakališnih površina, odnosno tehnoloških otpadnih voda sa radnih prostora samouslužne autopraonice u javni kolektor, sve u skladu sa stanjem na terenu.

- 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.10. Talog iz separatora kao ni ostali opasni materijal i otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – tačka 22. tabele Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „ČAVKUNOVIĆ – BP“ d.o.o. Bihać je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godine dana, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Korisnik, „ČAVKUNOVIĆ - BP“ d.o.o. Bihać, obratio se ovoj Agenciji dana 07.02.2022. godine zahtjevom za izdavanje vodne dozvole za aktivnosti na lokaciji objekta benzinske stanice sa samouslužnom autopraonicom i pratećim sadržajima, izgrađenog u ulici Armije BiH, u Bihaću.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, Matični broj subjekta upisa: 17-01-0243-13, izdan dana 17.08.2021. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 12.08.2015. godine, od strane Federalnog ministarstva finansija, Porezne uprave Federacije BiH–Kantonalnog poreznog ureda BIHAĆ,

- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-17-1-UPJR/1-5108-2/15, dana 29.09.2015. godine, Banja Luka,
- Kopija elektronskog naloga za plaćanje upravne pristojbe,
- Kopija Rješenja, kojim se daje „ČAVKUNOVIĆ BP“ d.o.o. Bihać, odobrenje za legalizaciju benzinske pumpe sa pratećim sadržajima; izdano od strane Službe za urbanističko planiranje, građenje i imovinsko-pravne poslove Grada Bihaća pod brojem: 03/1-19-2-3033/21, dana 04.01.2022. godine,
- Kopija rješenja, kojim se daje urbanistička suglasnost „ČAVKUNOVIĆ-BP“ d.o.o. Bihać, za legalizaciju poslovnog objekta-benzinska pumpa sa pratećim sadržajima na zemljištu označenom kao k.č. br. 6526/1 i 6527 obje k.o. Bihać-grad po novom i starom katastarskom operatu; izdano od strane Službe za urbanističko planiranje, građenje, imovinsko-pravne i geodestke poslove Grada Bihaća pod brojem 03/1-19-1-12/21, dana 11.10.2021. godine, u Bihaću,
- Kopija Godišnjeg izvještaja monitoringa i ispitivanja otpadnih voda benzinske pumpe br. 12 na lokaciji ulice Armije BiH BB za „ČAVKUNOVIĆ – BP“ d.o.o. Bihać; urađen od strane „Herkon“ d.o.o. Mostar pod brojem GI-OV-02-01-12-21-53/21, prosinca 2021. godine, u Mostaru,
- Kopija Zbirnog izvještaja Komisije za tehnički prijem objekta od 28.03.2022. godine,
- Kopija Saglasnosti na položaj objekta u odnosu na postojeću mrežu, za priključak na vodovodnu mrežu te priključak na kanalizacionu mrežu; data od strane Službe tehničke pripreme JP „Vodovod“ d.o.o. Bihać pod brojem 01-611/21, dana 04.03.2021. godine,
- Glavni projekat vodovoda i kanalizacije za poslovni objekat, benzinska pumpa sa pratećim sadržajem, urađen od strane TZI Inženjering d.o.o. Sarajevo, oktobra 2019. godine u Sarajevu, revidiran od strane HIGRACON d.o.o. Sarajevo pod brojem 008-14-10/19, dana 16.10.2019. godine, u Sarajevu (na uvid),
- Glavni projekt benzinske pumpe sa pratećim sadržajima i samouslužne autopraonice, Knjiga IV – projekt vanjskog uređenja /legalizacija/; urađen od strane pravnog lica AG d.o.o. Cazin pod brojem 53-12-G/20, oktobra 2021. godine (na uvid),
- Glavni projekat benzinske pumpe sa pratećim sadržajima i samouslužnim autopraonama, Knjiga I – Arhitektonsko-građevinski projekat i projekat hidroinstalacija /legalizacija/; urađen od strane pravnog lica AG d.o.o. Cazin pod brojem 53-12-G/20, oktobra 2021. godine (na uvid).

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske stanice sa samouslužnom autopraonicom i pratećim sadržajima „ČAVKUNOVIĆ - BP“ d.o.o. Bihać, u ulici Armije BiH, u Bihaću, i tom prilikom sačinjen zapisnik o uviđaju broj: UP-1/21-3-40-071-5/22, dana 11.04.2022. godine. Objekt benzinske stanice sa pratećim sadržajima „ČAVKUNOVIĆ - BP“ d.o.o. Bihać, je lociran u ulici Armije BiH, sa desne strane magistralne ceste M 5 (Bihać – Jajce).

Objekat se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama i kafe barom, podzemnih čeličnih dvoplašnih spremnika za gorivo, objekta samouslužne autopraonice te manipulativnog asfaltiranog prostora i zelenila. Objekt se nalazi na ravnom terenu, sa internim saobraćajnim i pretakališnim površinama, gdje su na razdjelnici pretakališnih od manipulativnih površina ugrađene linijske slivne rešetke, a na izlazu/ulazu sa trupa magistralne ceste na interne saobraćajne površine su ugrađeni ulični slivnici.

Gorivo se drži uskladišteno u ukopanim spremnicima sa dvostrukom stjenkom, zapremine 100 m³ (2x50 m³).

Sanitarne otpadne vode iz objekta upravne zgrade su kanalizacionim cijevima sprovedene do priključka na kolektor javnog gradskog kanalizacionog sistema. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene u okno gradskog kanalizacionog sistema. Zauljene - onečišćene oborinske vode, koje nastaju na prostoru internih saobraćajnih i pretakališnih površina, se ispuštaju također u kolektor javnog gradskog kanalizacionog sistema, nakon tretmana na separatoru ulja i masti.

Tehnološke otpadne vode sa radnog prostora samouslužne autopraonice se cijevnim sistemom odvede do separatora ulja i masti, na potreban tretman. Projektom dokumentacijom su prikazana 4 radna boksa (3 natkrivena i jedna nenatkrivena platforma). Investitor je izveo 5 radnih boksova za pranje vozila. Na zahtjev Komisije za tehnički prijem je uklonjena konstrukcija iznad jednog boksa za pranje. Međutim, radna površina sa slivnom rešetkom za pranje vozila nije uklonjena te će korisnici predmetnog objekta biti u mogućnosti da isti koriste. Operator javnog vodovodnog i kanalizacionog sistema je dao suglasnost na projektnu dokumentaciju, ali predstavnik istog nije učestvovao u radu Komisije za tehnički pregled objekta te stoga nije niti imao uvid u izvedeno stanje.

Iz tog razloga je potrebno da se isti očituje na način kako je to uvjetovano tačkom 3.6. rješenja. Priložen je izvještaj o mjerenju kvaliteta otpadnih tehnoloških voda, urađen novembra 2021. godine.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „ČAVKUNOVIĆ - BP“ d.o.o. Bihać, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl. inž. arh.

Po ovlaštenju
Rukovodilac sektora za
izdavanje vodnih akata


Haris Ališehović, dipl.inž.građ.

Dostaviti:

- „ČAVKUNOVIĆ - BP“ d.o.o. Bihać, Banjalučka bb, 77 000 Bihać,
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča AVP Sava